

nefnd með því hverju sinni. Undanþága þessi nær aðeins til unglunga innan viðkomandi hrepps.

Samþykkt þessi öðlast þegar gildi.

Samþykkt þessi, sem sýslunefnd Suður-Múlasýslu hefur samið og samþykkt samkvæmt lögum nr. 107 8. maí 1935, um lögreglusamþykktir utan kaupstaðanna, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 17. maí 1966.

Jóhann Hafstein.

Ólafur. W. Stefánsson.

Nr. 140.

27. maí 1966.

Staðfesting forsetans á skipulagsskrá fyrir Minningarsjóð Stefáns skólameistara Stefánssonar, útgefin á venjulegan hátt að mandatum af dómsmálaráðherra 27. maí 1966.

Skipulagsskráin er þannig:

SKIPULAGSSKRÁ

Minningarsjóðs Stefáns Stefánssonar skólameistara,

er fæddist 1. ágúst 1863 og andaðist 20. janúar 1921 og var skólameistari Gagnfræðaskólans á Akureyri árin 1908—1921.

1. gr.

Sjóðurinn heitir: Minningarsjóður Stefáns skólameistara Stefánssonar.

2. gr.

Sjóðurinn er stofnaður 29. maí 1965 með gjafabréfi gagnfræðinga frá Akureyrar-skóla, er útskrifuðust þaðan þennan dag árið 1915. Var gjafabréfið afhent Menntaskólanum á Akureyri við skólaslit 17. júní 1965, ásamt framlagi frá dóttur Stefáns, frú Huldu skólastýru á Blönduósi, sonardætrum Stefáns, þeim Helgu og Huldu Valtýsdætrum í Reykjavík og loforði um framlag úr Menningarsjóði K.E.A. á Akureyri, — alls samtals eitt hundrað þúsund krónur.

3. gr.

Hlutverk sjóðsins er að efla áhuga nemenda Menntaskólans á Akureyri á náttúrufræðum með því að styrkja þá til framhaldsnáms og rannsókna í þeim vísindum, svo og með því að veita nemendum í efstu bekkjum skólans styrk til náttúru-rannsókna í sumarleyfi.

4. gr.

Tekjur sjóðsins eru vextir eða annar arður af höfuðstól hans. Skal auk þess kappkosta, með ýmsum fjáröflunarleiðum, að auka tekjur sjóðsins og stækka höfuðstól hans, svo fastar árstekjur verði sem mestar.

Gjafir til sjóðsins má ekki nota sem árlegan eyðslueyri, nema gefandi taki það sérstaklega fram, — heldur skulu þær, hverju sinni, lagðar óskertar við höfuðstól sjóðsins.

Fé sjóðsins skal ávaxta í banka með ríkisábyrgð, eða í fulltryggðum verðbréfum og öðrum eignum, er sjóðsstjórnin metur jafn öruggar.

5. gr.

Eigi má byrja að veita styrk úr sjóðnum fyrr en höfuðstóll hans er orðinn þrjú hundruð þúsund krónur. Má ekki veita úr sjóðnum meira fé árlega, en sem nemur $\frac{1}{4}$ árlegra tekna hans, samkvæmt 4. grein.

6. gr.

Stjórn sjóðsins skal skipuð þremur mönnum: skólameistara Menntaskólans á Akureyri, er jafnframt sé formaður sjóðsstjórnar, aðal-náttúrufræðikennara skólans og manni, er afkomendur Stefáns skólameistara tilnefna til þriggja ára. Dragist, af einhverjum ástæðum, að tilnefna nýjan stjórnarmann í stað þess er úr stjórn á að ganga, skal hann gegna stjórnarstörfum áfram, þar til afkomendur Stefáns skólameistara hafa, með bréfi til formanns sjóðsstjórnar, tilnefnt nýjan mann í hans stað.

Stjórnin vinnur starf sitt kauplaust.

7. gr.

Reikningar sjóðsins skulu endurskoðaðir af sömu mönnum og aðrir sjóðs-reikningar Menntaskólans á Akureyri og birtir í hinni árlegu skólaskýrslu.

8. gr.

Leita skal staðfestingar forseta Íslands á skipulagsskrá þessari.

Fyrir hönd stofnendanna,

Freymóður Jóhannsson. Ingólfur Þorvaldsson. Guðm. Jóhannesson.

S A M Þ Y K K T

um breytingu á lögreglusamþykkt fyrir Vestmannaeyjar, nr. 41 31. marz 1928.

1. gr.

Í stað „18 kílómetrar“ í 49. gr. komi: 35 kílómetrar.

Aftan við 49. gr. komi nýtt ákvæði, svo hljóðandi: Stöðva má ökutæki allt að 5 metra frá götuhorni innanbæjar, miðað við húslínu.

2. gr.

Samþykkt þessi öðlast þegar gildi.

Samþykkt þessi, sem bæjarstjórn Vestmannaeyja hefur samið og samþykkt samkvæmt lögum nr. 1 3. janúar 1890 sbr. lög nr. 67 28. nóvember 1919, um lög-reglusamþykktir fyrir kaupstaðina, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 17. maí 1966.

Jóhann Hafstein.

Ólafur W. Stefánsson.